

Ein erschrockliche geschicht so zu Derneburg in der Graffschafft Reinsteyn am Harz gelegen von dreyen Zauberin vmb zwayen Mäßen/ In etlichen tagen des Monats Octobris Im 1555. Jare ergangen ist.



Die alte Schlang der Teuffel/dieweyl er Got/ vnd zuuor an den Sun Gottes/ vnsern Herren Jesum Christum/ vnd das ganze menschliche ge- schlecht/ stirnemlich vmb vnsern Haylands Christi willen hasset/ hat er sich bald im anfang/ vnd kurglich nach der erschaffung vmb dz weibß bild/ als vmb die/ welcher lame seinen kopff zertreten solt/ angenomen/ dieselbigen durch sein hinderlist vnd lügen/ zu dem jämlichen sal/ dess vn glaubens vn vngheorsams wider Got gebracht/ Darauff das gang menschlich geschlecht/ in ewige verdammnuß vn verderben kómen were/ so Christi vnser Hayland/ den 30m des Vatters nicht weck genomen/ vnd das gericht wider vns auffgehoben het. Nu behelt der alte Feind gleichwol al- ten haß wider Christum/ vnd vns/ für vn für/ vnd helt auch sein alte weyse/ er sehet sonderlich dem weiblichen geschlecht hart zu/ als dem schwächeren werckzeug/ damit er sie von Christo wegreyße/ vn in ewige verdammnuß für/ vn wie er zu Eua sprach/ sie wurden werde wie die Götter/ Also bläst er noch das gift in der weyber herten/ lernet sie zaubern/ auff das er sie klüg mache/ das sie mehr wissen dann andere leüt/ vnd also den Göttern ge- leich werden/ damit mache er sie im anhengig/ vnd zu Teuffels dienerin/ ja auch zu Teuffels breüen/ wie dise jämliche geschicht/ welche warhaff- tiglich also wie vnden angezaiget/ am Harz ergangen ist/ Die der halben also gemalet vn geschriben/ im druck auß gangen. Auff das doch die rohe lose wele/ zu Gottes socht erwecket/ vnd von dem Gotelosen wesen abgeschickt werden/ Dann Gott der allmächtige der halben solche Exempel vns sehen laßt/ das er damit vnser herten herten durch dise erschöckliche exempel / zur socht Göttliches gericht/ vnd straffe erwecket/ man mag es malen/ predigen/ singen vnd sagen/ vn wie man süer kan den leüten einbilden/ damit der laydige haupte an wenig zu Gottes socht/ gehorsam/ vnd zucht gezogen werde/ besonder zu disen letzten zeiten/ in welche der listige Satpan/ dieweyl er mercket/ das der tag des gericht/ sich nabet/ gar raffend toll vnd vnstimmig ist/ vnd bede durch sich vnd seine gelider/ grewlicher weyse/ wider Christum vnd sein armes heuff sein wütet/ Die ellende verhanden were/ Der Allmächtig Got vnd vatter vnsern Herrn Jesu Christi/ wölle dem grimigen feinde wehren/ sein armes heuff sein vor/ jm vnd seinen glidern schützen vnd handhaben/ seinem vnd der seinen wütten vnd toben/ einmal ein ende machen/ durch Jesum Christum Amen.

¶ Folget die geschichte / so zu Derneburg in der Graffschafft Reinsteyn am Harz gelegen/ergangen ist/ Im October des 1555. Jars.

Auff den Dinstag nach Michaelis/ den ersten Octobris/ seind zwö Zauberin gebandt/ die eine Gröbische/ die ander Wislersche genant/ vn hat die Gröbische bekandt/ das sie Aylff jar mit dem Teuffel gebället habe/ vn wie man dieselben Gröbischen zu der Feuerstat gebracht/ vnd an die saul mit Ketten geschlagen/ vnd das Feuer angezündt/ ist der bälde/ der Satpan kómen/ vnd sie in lüften sichtiglich vor/ yeder man weck geführt. Am Donnerstag/ nach dem die Gröbische vn die Wislerschin am Dinstag zuuor seind gerichtet worden/ das ist den 3. Octobris/ seind dise bede Frauen auff den abend in der Wislersche hauß kómen/ vnd der Wislerschen man zur thür hinauff gestossen/ das er nider gefallen vnd gestorben ist/ welches ain Nachbaur gegen ober gebürt/ vnd zu gelassen ist/ durch die thür gesehen/ das zway weyber bede eytel sewrige/ vmbd sewr gedanget/ der Wisler- schin man aber/ lag vor der thür vnd war todt. Am Sonnabend nach Dionisij/ das ist der 12. Octobris/ ist der Gröbischen mañ gerichtet worden/ vmb der visach wilke/ das er bey seines weybs Schwester geschlafen hat/ welche er zuuor zum weybe gehabt/ vn darnach die Gröbischen genomen/ Des Montags darnach/ das ist der 14. Octobris ist ain weyb die Serckchen genant/ auch verbrant worden/ der visach/ das sie des Herrn Adams von Velthaym des Stiffes halberstat Hauptmans weybe vergebent hate/ vnd ainem mañ zu Derneburg ain Trotten vnter die Schwöllen gegraben/ darvon der man erlamet/ vnd im das vihe vmbtömen ist.

¶ Wie sihet man wan der Teuffel an ainem orth elnisset/ vn begundt zu Regieren/ wie wüß er mit seinem gift vmb sich stichet/ wie vil personen kómen die vmb in wenig tagen/ vnd soll vns solch grewlich exempel billich raythen zur büß/ vnd zur socht Gottes/ auff das wir vns mit dem wort Gottes vnd gebette/ wider den gemelten seynd schützen/ vnd mag dise list/ soz in sichern gotlosen Epicurern vnd Zaubrer/ wool ain erinnerung sein/ dieweyl sie leben/ das der Teuffel noch lebt/ vnd das daß hellische sewr noch nit erloschen ist/ Der Almechtig Got wölle sie auch zur büße bring- gen/ vnd vns alle inn/ vnd bey seinem raynen wort erhalten/ vnd mit seinem hayligen Geyst regieren/ auff das wir leben inn aller Gottseligk ayt/ Zucht vnd Erbarkeyt/ zu ehen seinem hayligen Namen/ Durch vnsern Herren Jesum Christum/ Amen.

¶ Gedruckt zu Nürnberg bey Jörg Merckel/ durch verleg Endres Jenckel Botten.

Hexenverbrennung in Derenburg

Abbildung

https://de.wikipedia.org/wiki/Datei:Zeitung_Derenburg_1555.JPG

Einblattdruck zu einer Hexenverbrennung in Derenburg (Grafschaft Reinstein) 1555
Flugblatt, das in Nürnberg bei Jörg Merckel gedruckt. Verleger: Endres Zenckel

<http://www.bildindex.de/obj00230598.html#|home>

Druckort: Nürnberg, Verlagsort: Nürnberg, 1555

Flugblatt, Einblattdruck. Papier, Holzschnitt & schablonenkoloriert & Typendruck. 14 x 24,6 cm.

Nürnberg, Germanisches Nationalmuseum, Graphische Sammlung, Inventar-Nr. HB 244, Kapsel-Nr. 1283; Microfiche-Scan mi08198a02

Ein erschrockliche geschicht/ so zu Derneburg in der Graff-
schafft Reinsteyn – am Hartz gelegen – von dreyen Zauberin – unnb zwayen
Mannen / Inn ettlichen tagen des Monats Octobris Im 1555. Jare ergangen ist.

Die alte Schlang der Teuffel/ dieweyl er Got / und zuvoran den Sun Gottes/ unsern Herrn
Jesum Christum/ und das gantze menschliche ge
schlecht/ fürnemlich umb unsers Haylands Christi willen hasset/ hat er sich bald im anfang/
und kürztlich nach der erschaffung umb dz weibß
bild/ als umb die/ welcher same seinen kopff zertretten solt/ angenommen/ dieselbigen durch
sein hinderlist und lügen/ zu dem jämmerlichen fal/ deß un
glaubens und ungehorsams wider Got gebracht/ Darauß das gantz menschlich geschlecht/ in
ewige verdammnuß und verderben kommen were/ so Chri=
stus unser Hayland/ den zorn des Vatters nicht weckgenommen/ und das gericht wider uns
auffgehoben het. Nu behelt der alte Feind gleichwol al=
ten haß wider Christum/ und uns/ für und für/ und helt auch sein alte weyse/ er setzet
sonderlich dem weiblichen geschlecht hart zu/ als dem schwecheren
werckzeug/ damit er sie von Christo wegrysse/ und in ewige verdammnuß füre/ und wie er zu
Eva sprach/ sie wurden werden wie die Götter/ Also bläßt
er noch das giffit in der weyber hertzen/ lernet sie zaubern, auff das er sie klug mache/ das sie
mehr wissen dann andere leüt/ und also den Göttern ge
leich werden/ damit macht er sie jm anhengig/ und zu Teuffels dienerin/ ja auch zu Teuffels
breüten/ wie diese jämmerliche geschicht/ welche warhaff=
tigklich also wie unden angezaiget/ am Hartz ergangen ist/ Die derhalben also gemalet und
geschriben/ im druck auß gangen. Auff das doch die rohe
lose welt/ zu Gottes forcht erwecket/ und von dem Gottlosen wesen abgeschreckt werden/
Dann Gott der allmächtige derhalben solche Exempel
uns sehen laßt/ das er damit unsere harten hertzen durch dise erschrockliche exempel/ zur
forcht Göttliches gericht/ und straffe erwecke/ man mag
es malen/ predigen/ singen und sagen/ und wie man jmmer kan den leüten einbilden/ damit
der laydige hauffe ein wenig zu Gottes forcht/ gehorsam/
und zucht gezogen werde/ besonder zu disen letsten zeyten/ in welchen der listige Sathan/
dieweyl er mercket/ das der tag des gericht/ sich nahet/ gar
rassend toll und unsinnig ist/ und bedede durch sich und seine gelider/ grewlicher weyse/ wider
Christum und sein armes heüfflein wüttet/ Die ellende

welt aber dargegen so frey sicher in allem mutwillen dahin lebet/ als ob der Teüffel vorlangst gestorben sey/ und kain Got/ kain gericht oder straff/ verhanden were/ Der Almächtig Got und vatter/ unsers Herrn Jesu Christi/ wolle dem grimmigen feinde wehren/ sein armes heüfflein vor im und seinen glidern schützen und handthaben/ seinem und der seinen wütten und toben/ einmal ein ende machen/ durch Jesum Christum Amen.

Folget die geschichte/ so zu Derneburg in der Graffschafft Reynstein am Hartz gelegen/ ergangen ist/ Im October des 1555. Jars.

Auff den Dinstag nach Michaelis/ den ersten Octobris/ seind zwu Zauberin gebrandt/ die eine Gröbische/ die ander Gißlersche genannt/ und hat die Gröbische bekandt/ das sie Aylff jar mit dem Teüffel gebulet habe/ und wie man dieselben Gröbischen zu der Fewrstat gebracht/ und an die saul mit Ketten geschlagen/ und das Fewr angezündt/ ist der bule/ der Sathan kommen/ und sie in lüfften sichtigklich vor yederman weckgeführt. Am Donerstag/ nach dem die Gröbische und die Gißlerschin am Dinstag zuvor seind gerichtet worden/ das ist den 3. Octobris/ seind dise bede Frawen auff den abend in der Gißlersche hauß kommen/ und der Gißlerschen man zur thür hinauß gestossen/ das er nider gefallen unnd gestorben ist/ welches ain Nachbaur gegen uber gehört/ und zu gelauffen ist/ durch die thür gesehen/ das zway weyber bede eytel fewrige/ umbs fewr gedantzet/ der Gißler= schin man aber/ lag vor der thür und war todt. Am Sonnabendt nach Dionisti/ das ist der 12. Octobris/ ist der Gröbischen mann gerichtet worden/ umb der ursach willen/ das er bey seines weybs schwester geschlaffen hat/ welche er zuvorn zum weybe gehabt/ und darnach die Gröbischen genommen/ Des Montags darnach/ das ist der 14. Octobris ist ain weyb die Serckschen genandt/ auch verbrandt worden/ der ursach/ das sie des Herrn Acha= cius von Veldthaym des Stiffts Halberstat Hauptman's weybe vergeben hate/ und ainem mann zu Derneburg ain Krotten unter die Schwöllen gegraben/ darvon der man erlamet/ und im das vihe umbkommen ist. Hie sihet man wann der Teüffel an ainem orth einnistet/ und begundt zu Regieren/ wie wüst er mit seinem gifft umb sich stichet/ wie vil personen komen hie umb/ in wenig tagen/ und soll uns solch grewlich exempel billich raytzen zur buß/ und zur forcht Gottes/ auff das wir uns mit dem wort Gottes und gebette/ wider den gemelten feynd schützen/ und mag dise Histori den sichern gotlosen Epicurern unnd Zaubern/ wol ain erinnerung sein/ dieweyl sie sehen/ das der Teüffel noch lebt/ und das daß Hellische fewr noch nit erloschen ist/ Der Almechtig Got wolle sie auch zur busse bringe/ und uns alle inn/ und bey seinem raynen wort erhalten/ und mit seinem hayligen Gayst regieren/ auff das wir leben inn aller Gottseligkayt/ Zucht und Erbarckayt/ zu ehren seinem hayligen Namen/ Durch unsern Herren Jesum Christum/ AMEN.

Getruckt zu Nürnberg bey Jörg Merckel/ durch verleg Endres Zenckel Botten.